



Broj: 09/1-21-34-30552-1/25

Na osnovu člana 8. Zakona o radu u institucijama Bosne i Hercegovine („Službeni glasnik BiH“, br. 26/04, 7/05, 48/05, 60/10, 32/13, 93/17, 59/22 i 88/23) i Odluke o potrebi prijema 1 (jednog) zaposlenika u radni odnos na određeno vrijeme u Ministarstvo vanjskih poslova Bosne i Hercegovine broj: 09/1-21-34-30552/25 od 25.08.2025. godine, Ministarstvo vanjskih poslova Bosne i Hercegovine raspisuje:

JAVNI OGLAS

za prijem 1 (jednog) zaposlenika u radni odnos na određeno vrijeme

01. Vozač u Odsjeku za opće poslove, arhiv i dokumentaciju – Sektor za opšte poslove – 1 (jedan) izvršilac

Opis poslova: Po nalogu rukovodioca, na profesionalan i korektan način, obavlja poslove prevoza na relacijama predviđenim u putnom nalogu; brine se o ispravnosti vozila; brine se za tekuće održavanje vozila; zadužen je za praćenje redovnog servisa vozila, vodi brigu o potrošnji goriva, maziva i rezervnih dijelova o čemu vodi propisanu evidenciju; u obavljanju svojih poslova obavlja i druge poslove po nalogu šefa Odsjeka iz domena poslova vozača; za svoj rad odgovara šefu Odsjeka.

Uslovi za obavljanje poslova:

Pored opštih uslova propisanih zakonom, vozač mora ispunjavati i sljedeće posebne uslove:

- SSS – VK vozač;
- tri godine radnog iskustva;
- aktivno znanje jednog od diplomatskih jezika;
- poznavanje sigurnosnih metoda i tehnika;

Broj izvršilaca: 1 (jedan)

Status: zaposlenik na određeno vrijeme

Mjesto rada: Sarajevo

Potrebni dokumenti:

1. Kandidati su dužni dostaviti sljedeća dokumenta u originalu ili ovjerenoj kopiji:

- Izvod iz matične knjige rođenih;
- Uvjerenje o državljanstvu, ne starije od šest mjeseci od dana izdavanja od strane nadležnog organa;
- Diploma o završenoj SSS -VK izdata od strane nadležne srednjoškolske ustanove;
- Uvjerenje ili potvrda kao dokaz o traženoj vrsti radnog iskustva;
- Uvjerenje/potvrda/certifikat ili druga isprava o aktivnom znanju traženog jezika, najmanje B2 nivoa ili ekvivalenta B2 nivoa;
- Uvjerenje da protiv kandidata nije pokrenut krivični postupak za krivično djelo za koje je predviđena kazna zatvora tri i više godina ili da mu nije izrečena zatvorska kazna za krivično djelo učinjeno s umišljajem u skladu sa krivičnim zakonima u Bosni i Hercegovini, ne starije od tri mjeseca izdato od nadležnog suda;
- Izjava kandidata da nije obuhvaćen odredbom člana IX. stav (1) Ustava Bosne i Hercegovine, ovjerena od strane nadležnog opštinskog (gradskog) organa uprave, ne starija od tri mjeseca;
- Uvjerenje/potvrda/certifikat kojim se dokazuje poznavanje sigurnosnih metoda i tehnika

Ovjerene kopije dokumenata nemaju ograničen rok važenja, pod uslovom da ni dokumenti čije su kopije ovjerene nemaju naznačen (preciziran) rok važenja.

U skladu sa Pravilnikom o unutrašnjoj organizaciji Ministarstva vanjskih poslova Bosne i Hercegovine diplomatski jezici su: engleski, francuski, ruski, španski, kineski i arapski.

2. Prijava na Javni oglas

Kandidati su dužni dostaviti svojeručno potpisanu prijavu na Javni oglas, koja će obuhvatiti sljedeće podatke (ime, prezime, adresa, opština stanovanja, poštanski broj, kontakt telefon, poziciju/e za koju/e se prijavljuje i kraću biografiju).

Napomene za kandidate:

- Javni oglas se sprovodi u skladu sa odredbama Zakona o radu u institucijama Bosne i Hercegovine („Službeni glasnik BiH“, br. 26/04, 7/05, 48/05, 60/10, 32/13, 93/17, 59/22 i 88/23) i Pravilnika o unutrašnjoj organizaciji Ministarstva vanjskih poslova Bosne i Hercegovine.
- Za sprovođenje konkursne procedure po ovom Javnom oglasu formiraće se Komisija za izbor.
- Svi kandidati koji budu ispunjavali uslove tražene u tekstu Javnog oglasa podliježu proceduri provjere osposobljenosti za obavljanje poslova za radno mjesto za koje su aplicirali, koju provodi Komisija za izbor.
- Izabrani kandidat se prima u radni odnos na određeno vrijeme do povratka zaposlenika sa bolovanja, a najduže do godinu dana.

Dostavljanje prijava:

Prijave na Javni oglas sa potrebnom dokumentacijom mogu se dostaviti u roku od **osam dana** od dana objavljivanja Javnog oglasa u dnevnim novinama putem pošte preporučeno na adresu:

Ministarstvo vanjskih poslova Bosne i Hercegovine

Ul. Musala broj 2, 71 000 Sarajevo,

sa naznakom: „Javni oglas za prijem 1 (jednog) zaposlenika u radni odnos na određeno vrijeme“

Nepotpune, neblagovremene i neuredne prijave, kao i kopije tražene dokumentacije koje nisu ovjerene ili su ovjerene nakon isteka važnosti originala koji se ovjerava, te dokumenti stariji od roka utvrđenog Javnim oglasom neće se uzimati u razmatranje.

